

贵阳府志

清 周作楫 辑
清 朱德璣 刊

贵阳市地方志编纂委员会办公室

校注

贵州人民出版社

下

责任编辑 孟筑敏
封面设计 徐学廉

ISBN 7-221-06438-5



9 787221 064387 >

ISBN 7-221-06438-5/K · 771

定价：300 元

清 咸丰壬子年刊行

贵阳府志

下

清 知贵阳府事泰和 周作楫 梦岩 辑
清 知贵阳府事博白 朱德璉 绶堂 刊

贵阳市地方志编纂委员会办公室 校注

贵州人民出版社

图书在版编目(CIP)数据

贵阳府志/贵阳市地方志编纂委员会办公室校注.
—贵阳:贵州人民出版社,2004.2
ISBN 7-221-06438-5

I.贵... II.①贵阳市—地方志②贵阳
府志—校勘③贵阳府志—注释 III.K297.31

中国版本图书馆 CIP 数据核字(2003)第 110713 号

贵 阳 府 志 (上下册)

清 周作楫 辑 清 朱德璉 刊

贵阳市地方志编纂委员会办公室 校注

责任编辑	孟筑敏
封面设计	徐学廉
技术设计	祖 铭
出版发行	贵州人民出版社
社 址	贵阳市中华北路 289 号
邮 编	550004
印 刷	贵州新华印刷厂
开 本	787×1092
字 数	3500 千字
印 张	140.25
印 数	1~2000 册
版 次	2005 年 7 月第 1 版
印 次	2005 年 7 月第 1 次印刷
书 号	ISBN 7-221-06438-5/K·771
定 价	300.00 元(上下册)

贵阳府志卷五十六

录 三

明总部政绩录第二之二

王 轼	张 廉	钱 钺	洪 钟	沈 林	陈天祥
萧 翀	曹 祥	王 诏	刘 元	张 抚	陈 金
吴伯通	张 贯	刘 丙	姚 模	包 裕	王一言
马炳然	第自然	丁养浩	黄 珂	张 淳	王 济
徐文华	周文光	周廷用	胡 琼	吴 倬	费 瑄
席 书	陆 健	蔡 潮	吴 环	汤 全	毛 科

王轼，字用敬，公安人。天顺八年进士，授大理寺右评事，迁右寺正，擢四川副使，改陕西。弘治初擢按察使，三年，迁南京右佥都御史，提督操江，进右副都御史，总理南京粮储，旋命巡抚贵州。明年，入为大理卿。十三年拜南京户部尚书。寻命兼左副都御史，总督贵州军务，以破米鲁功，加太子少保，改南京兵部参赞机务，乞致仕不允。武宗立，遇疾复请，诏加太子太保，赐敕乘传。归，卒，赠太保，谥襄简。《明史》有传。

轼之去贵州巡抚也，张廉代之。

张廉，字孟介，归安人。弘治中官贵州按察使，就进左布政使，寻拜右副都御史，巡抚贵州。在黔日久，民俗蛮情靡不谙悉，凡所兴革抚讨，悉中机宜。

廉去，钱钺代。

钱钺，字大用，杭州人。成化十三年官贵州按察使。好奖率人材，注意学校，于学校中多所兴建，制乐器、增学舍、立社学^[1]诸事尤其卓卓者，入为太仆寺卿。弘治十二年擢右副都御史，巡抚贵州。乾隆《贵州通志》称：“钺巡抚贵州，清操善政，一如其为廉使时”。

钺去,汪奎代。奎去,刘洪代。洪去,莆田林元甫代。元甫去,钱塘洪钟代。

洪钟,字宣之,钱塘人。成化十一年进士,授刑部主事,迁郎中。弘治初再迁四川按察使,历江西、福建左、右布政使。十一年擢右副都御史,巡抚顺天,整饬蓟州边备。十八年调贵州。时地方疲敝^[2],钟留意拊循安辑,苗夷民始复业。明年,诏督漕运兼巡抚江北。正德二年就进右都御史,改掌南京都察院,就迁刑部尚书。四年加太子少保兼左都御史,掌院事。五年,总制湖广、陕西、河南、四川,后乞归,嘉靖三年卒,谥襄惠,《明史》有传。

钟去,万全王质代。质去,巡抚裁。五年复设,邵宝为之。宝去,慈溪魏英代。魏英去,鄞县杨茂元代。茂元去,长洲沈林代。

沈林,字才美,长洲人。成化十七年进士。正德七年官右金都御史,巡抚贵州。贵州宣慰同知宋然贪淫,于所管内设洪湖等十二马头,科敛苗民,激而为变。宣慰使安贵荣欲并然地,遂诱其众作乱,于是阿朵等聚众二万余以反,署立名号,攻陷寨堡,袭然所居大羊场,然仅以身免。贵荣遽以状上,冀令已讨捕,因以为功;而阿朵党泄其情,林乃遣都司兵进讨,贵荣惧,自率所部助之,贼遂平。林请以贵筑、平伐等七长官司、洪边十二马头地及金筑安抚司,总设一府,洪边、贵筑各设县,并以流官治之。旨未下,林迁去。代者为陈天祥,乃言立流官,蛮民不便,事遂寝。其后万历、崇祯间立贵筑县、开州,卒如林言。

陈天祥,字元吉,吴江人。正德八年,以巡抚天津地方左金都御史改贵州。先是,金石司长官石承宠、卧龙司蛮贼王阿伦叛,积年未平;而广西泗城州贼王彪又起,与之连结,僭号^[3]称王。天祥偕巡按御史庠约剿擒之。后天祥以协理都察院事召还,萧翀代。

萧翀^[4],内江人。以进士授官,正德中,历右副都御史,巡抚贵州。初,西堡有阿得、狮子孔有阿江二种,皆革僚也,据沧浪六寨,不供常赋。西堡土官温恺惧罪自缢,其子廷玉请免赋,不允,往征,为其寨长也^[5]吕等所杀。六年,廷玉弟廷瑞诉于前抚臣,抚臣议用兵,而吕死。会翀莅贵州,遣指挥杨仁抚其众,曰:“输赋则不用兵”,众咸悦从,西堡遂定。

翀去,曹祥代。

曹祥,字应麟,歙县人。正德中官右副都御史,巡抚贵州。初,香炉山贼自景泰中积年未平,至是,阿旁之党阿皆、阿革皆称王,更纠苗众焚劫居民,兴隆、偏桥、平越、新添、龙里、贵州诸卫皆被其害。祥檄贵州诸卫及湖广永顺、保靖土兵,

令都指挥周吉率以往剿,且令参议蔡潮监军。贼未及平,祥旋被劾去。公安邹文盛代。文盛去,汤沐代。

王诏,字文振,赵州人。天顺八年进士,授工科给事中,累迁都给事中。出为湖广右参政,迁右布政使。弘治改元,转贵州左布政使;其冬,以右副都御史巡抚云南。召拜南京兵部右侍郎,未上,卒。诏秉性閤弟^[6],群吏化之,在贵州未浹岁,民用安谧。

刘元,仁寿人。天顺中进士,授主事。弘治四年累迁至贵州左布政使。廉静寡欲,以节俭先群僚,恒食惟设一蔬,蔬常用芥,土人呼芥为青菜,因号元曰“青菜刘公”。

元之后,历归安张濂;又有张抚,宝鸡人,《贵州通志》称其刚介明敏,而清苦之操尤异于人,贪墨之徒瞿然见而改之,亦廉吏也。抚之后,历南海李祥、南和^[7]马铨、江山陈孜、嘉兴陈俊名、新城王敏、巴陵方廷玉、华亭汤全、南充任宏、宜春郭绅、余姚翁健之、成都何琛、古田罗荣十二政,始有余姚陈雍、江陵赵文奎。文奎后,历建平宗玺、灵宝杨惟康,乃至梁材。

陈金,字汝砺,应城人。成化八年进士,除婺源知县,擢南京御史。弘治初巡按浙江,历山西副使。九年擢贵州按察使。性平易,无所窒碍,遇事即决。在贵州多善政,迁云南左布政使去,父老请留舄^[8]以识遗爱,金以所挥扇畀之,众宝藏焉。时有《遗扇诗》哀^[9]然成集,皆爱戴之作也。金后就拜右副都御史,巡抚云南、贵州,召为南京户部右侍郎。正德元年,以右都御史总督两广军务,进左都御史。三年迁南京户部尚书。明年冬,召为左都御史,以母丧归。六年,江西盗起,诏起金总制军务,事平,加太子少保,被劾召还,金请终养^[10]去。十年,再起总督两广军务,平府江贼王公恂,加少保、太子太保。十四年入掌都察院。世宗立,请老归,久之卒。

金去,吴伯通继之。

吴伯通,广安人。以进士授官。弘治十一年累官贵州按察使。为政不屑于细务,而大体详明;暇则进诸生讲明经义,緜緜^[11]忘倦。伯通后,历巴县刘福、信阳冯镐、长洲刘梁,而张贯继之。

张贯,蠡县人。以进士授官,累迁至贵州按察使。正德初,以事降云南参政。时王守仁谪龙场驿丞,曾作诗以送之,云:“世味知公最饱谙,百年清德亦何惭。柏台^[12]薇省官非左,汉水滇池道益南。绝域烟花怜我远,今宵风月好谁谈。交

游若问居夷事,为说山泉颇自堪。”能与守仁交,而守仁赠诗如此,当非猥俗宪长也。

贯去,刘丙继之。

刘丙,字文焕,安福人,南雄知府实孙也。成化末进士,选庶吉士,改御史,巡按云南。旋督两淮盐课,福建、四川副使,俱督学校。正德四年再迁贵州按察使。廉明详慎,以洗冤泽物为任,决大狱,每傅古义,读其牍者无不钦其明允,而叹其深合经术,世称“神明宪长”焉。擢四川左布政使。正德六年以右副都御史巡抚湖广,迁工部右侍郎。卒,诏赠尚书,谥恭襄。丙操履清介,敢任事,所至法令修举。

丙去,绵州金献民继之。献民后,历福清郑端、蒙化朱玘、归安陈恪,而慈溪姚模继之。

姚模,字英之,慈溪人。弘治六年进士,除礼部主事,进员外郎,擢广西提学僉事,迁福建副使,未几改督学政。正德九年擢贵州按察使。作兴士类,颁《读书矩矱》^[13]于学校,讲业课士,无有倦时。提学道虽为按察司之贰,然学政非按察使专职,模以职事相涉,犹好之如此,故士类称之。十五年拜右副都御史,巡抚延绥。召为工部右侍郎,出督漕运,改兵部左侍郎。嘉靖四年迁右都御史,提督两广军务兼巡抚,就进左都御史,加太子少保,以事落职。十三年起兵部尚书,总制三边军务,未赴,帝不悦,仍落职。数年卒。《明史》有传。

模去,历江宁张琮、武陵陈洪谟、鄞县李麟,乃至傅习。

包裕,字好问,临桂人。成化十四年进士,弘治元年巡抚贵州。秉性宽恕,耻以击搏^[14]为能,凡事务通民情,不怒而威尤加惠,茆独、颠连、无告之人悉收之养济院,靡有失所者。又尝与副使吴倬疏请站夫月米,语具倬录。

王一言,字行之,内江人。以进士授御史。弘治七年出按贵州,端凝严重,吏不敢犯;然好施德,惠及于小民,民亦不忍欺。论者谓如雨露霜雪,宽严各以其时,世称称职御史。十二年升云南兵备副使,在云南尤多善政,官终金都御史。

马炳然,字思进,内江人。成化十七年进士,授嘉鱼知县,擢御史。弘治中巡按贵州,以风裁著闻。累迁至兵部侍郎、总督,致仕家居。流贼刘六起,官军剿之,六执炳然,挟令作书退军,炳然愤骂遇害,妻女俱赴水死。事闻,赠右都御史,谥毅愍。

弟自然,以进士授官,历贵州右参政,刚毅不挠,亦有炳然风。

丁养浩,仁和人。弘治九年巡按贵州,好击强御,而通下情,风裁峻整。所至兴学育才,以教化为先,喜吟咏,常与士人酬唱,而人莫敢干以私。

黄珂,字鸣玉,遂宁人。成化二十年进士,授龙阳知县,以治行闻,擢御史。出按贵州,务持大体,不以搏击为能。改按畿辅,历山西按察使,正德四年擢右佥都御史,巡抚延绥,入为户部右侍郎,总督仓场。改刑部,进左侍郎,已,改佐兵部。九年擢南京右都御史,就拜工部尚书。年老乞休归,卒,赠太子少保,谥简肃。《明史》有传。

张淳,合肥人。弘治中巡按贵州,性严峻,有威望,吏不敢犯。

王济,字汝楫。正德二年巡按贵州,大有声绩。以贵州少书籍,曾与左布政使郭绅刻谢枋得^[15]《文章轨范》以公之士林,王守仁为之序。守仁又尝称济忠爱达于上,德威敷于下,抚摩赤子,调服诸夷;慑大奸使不得肆,祛大弊使不复作。意其时必有实事可纪,今文献缺略,亡从而可考矣。

徐文华,字用光,嘉定州人。正德三年进士,授大理寺评事,擢监察御史,正德五年巡按贵州。先是乖西苗阿贾、阿杂倡乱,宣慰安贵荣败之洪边,俘贼别师阿麻以献,遽引兵归,历年未平。至是,文华偕巡抚魏英讨之,文华相度机宜,密授诸将领以方略,破贼寨三百六十,贼遂平,玺书奖劳。按毕还京,数言事下诏狱,黜为民。世宗即位,起故官,历河南按察副使。嘉靖二年入为大理右少卿,转左。六年,以议大礼故,为张璁、桂萼所诬,遣戍辽阳,遇赦,卒于道。隆庆初赠左佥都御史。《明史》有传。

周文光,字实夫,金华人。正德十年巡按贵州,其所举劾,于封疆大吏无所假借,贵州人甚倚赖之。十一年,邹文盛讨香炉山叛苗,文光纪功军中,有劳勩。后迁去。

周廷用,字子贤,华容人。正德六年进士,历监察御史,巡按贵州。廷用才气倜傥^[16],遇事敢言,不避权要,称良御史焉。后迁副使,不喜逢迎,亦以正直著称。

胡琼,字国华,南平人。正德六年进士,由慈溪知县入为御史。正德十三年巡按贵州,有威望,吏民不敢干以私。贵州俗好巫覡^[17],巫覡专以福祸感人,兴

淫祀，敛钱粟，亦有因以为奸者。琮至，严禁之，毁淫祠不在祀典数百所，民俗为之一变。总兵官昌佐贪婪不称职，镇守中官王海贪横乱法，前御史之所不敢言者，琮劾之无所顾忌，为时所称。改按浙江，亦有声。世宗初，以事与张曰韬哭谏，受杖卒。隆庆初赠光禄少卿。《明史》附《张曰韬传》。

吴倬，字克大，淳安人。成化十一年进士，十九年累官贵州佥事，理驿传事务。旧制，站役无廩饷，倬与巡按包裕议，人日给米一升，合疏以请，帝许之。又以赎金七百两购田，岁收其入以助站军，站军德之。尝提督学政，置学田以贍士。弘治初擢兵备副使。倬有倜傥才，遇事能肩任，不疑避，外严内宽，士民爱之。及其卒也，站军建祠，名曰“表贤”，汤昇为之记。

费瑄，字子宣，铅山人。成化十一年进士，为兵部员外郎。贵州巡抚谢杲、总兵官吴经等奏，烂土苗反，僭称王，乞发大军征讨。以兵部尚书马文升请，令瑄与御史邓庠往按，白苗无反状，抚定之，劾杲、经及镇守中官张成罪，事互具谢杲录中。迁贵州右参议终。

席书，字文同，遂宁人。弘治三年进士，授郾城知县，人为工部主事，移户部，进员外郎。武宗时，历河南佥事，擢贵州提学副使。书性嗜静养，学问以周程^[18]二子为宗，课士先德行后文艺。时王守仁谪龙场驿丞，书择州县子弟入文明书院，而以书敦请守仁主之。其书曰：“近时董诸士者，要不过属题命意，改课文，锻字句，以迎主司之意，裁新巧以快主司之目，上以是取之士，下以是挟策，师舍是无以为教，弟子舍是无以为学。居今之时，欲变今之习，诚难矣。岂朝廷取士之初意乎？然贵之士安于士俗，诱以利禄尚不乐从，教以举业复不能治，幸有治者，日省月试又不能工，而况大于举业者乎？舍是以教，贵诚难矣。夫举业者，利禄也，谋也。世之皓首一经，凡为利禄而已。以书一人推之，书少时治举业，不过为利禄计也。然昔者借是而有闻，今者脱是而愈暗，是误天下之豪杰者，举业也。然使天下之士借是而知所向上者，亦举业也。故韩子因文见道，宋儒亦曰科举非累人，人自累科举。今之教者，能本圣贤之学，以从事于举业之学，亦何相妨？执事早以文学进于道理，晚以道理发为文章，尚无厌弃尘学，因进讲之间，悟以性中之道义，于举业之内进以古人之德业，是执事一举而诸生两有所益矣。”守仁既就书院，书公余则往见，论学或至夜分，诸生环而观听者以数百。自是，贵人士始知有心性之学。

书后累迁福建左布政使，寻以右副都御史巡抚湖广。嘉靖元年改南京兵部右侍郎，特旨拜礼部尚书，加太子太保，进少保。乞休，诏加武英殿大学士，甫闻命而卒，赠太傅，谥文襄。

陆健,字文顺,鄞县人。弘治中进士,正德间累官贵州佥事。西苗叛乱,逾年未平,当道令健剿之。其地山途峻绝又多歧,易以迷惑,健练军士,使人人以拳石缚胫间,习为超距,日增重其石,及解石,劲捷过猿猱。又募人诡作行脚僧,先时入寨募布施钱粟,暗以苗境所无草实撒之路歧而归,及春草长,健率所练士,视有异草处,延缘而入,直抵苗寨;又置板屋两厢为庇,以避礮炮,苗惊为神,内自骇扰,因急击,斩其魁,西苗遂平。迁福建副使,卒,囊无余货,乡人姚模为治棺敛而归其丧。

蔡潮,字巨源,临海人。正德十一年官贵州右参议,分守都、清。在贵州九年,以谗不预政者居其半;所至,进诸生讲明经史,吟咏自得。官终河南左布政使。迁去,清平百姓为立生祠云。(按,潮虽分守都、清,然其时分守尚未之部,潮守清平亦事毕即还,故仍录之贵阳也。)

吴环,字子佩,漳浦人。以进士授官,弘治中历贵州右参议。汤全,字完之,华亭人。成化八年进士,弘治二年官贵州副使。《贵州通志》称:“环明作有为,积弊蠲除殆尽;全浑厚精明,宽于民而严于吏,皆尽职吏也。全后官至湖广巡抚,弘治十八年也。”

宏、正间,贵州省台副贰可考者,尚有毛科,字应奎,余姚人。以进士授官,累迁贵州提学副使。时王守仁谪龙场驿丞,巡抚王质遣人至龙场凌^[19]侮守仁,为夷人所困,使人反,诉之质,质怒守仁弗谢。科与守仁同乡,乃贻书劝之,守仁答书云:“昨承遣人喻以祸福利害,且令勉赴大府请谢,此非道谊深情,决不至此,感激之至,言无所容。但差人至龙场凌侮,此自差人挟势擅威,非大府使之也;龙场诸夷与之争斗,此自诸夷愤愠不平,亦非某使之也。然则大府固未尝辱某,某亦未尝傲大府,何所得罪而遽请谢乎?拜跪之礼,亦小官常分,不足以为辱;然亦不当无故而行之,不当行而行,与当行而不行,其为取辱一也。废逐小臣,所守以待死者,忠信礼义而已,又弃此而不守,祸莫大焉。凡祸福利害之说,某亦尝讲之。君子以忠信为利、礼义为福,苟忠信、礼义之不存,虽禄之万钟,爵以王侯之贵,君子犹谓之祸与害;如其忠信、礼义之所在,虽剖心碎首,君子利而行之,自以为福也。况于流离窜逐之微乎?某之居此,盖瘴疠^[20]蛊毒之与处,魑魅魍魉^[21]之与游,日有三死焉;然而居之泰然,未尝以动其中者,诚知死生有命,不以一朝之患而忘其终身之忧也。大府苟欲加害,而在我,诚有以取之,则不可谓无憾,使吾无有以取之而横罹焉,则亦瘴疠而已尔,蛊毒而已尔,魑魅魍魉而已尔,岂足以动吾心哉?执事之谕,虽有所不敢承,然因是而益知所以自励,不敢苟有所隳堕^[22],则某也受教多矣,敢不顿首以谢?”而科卒为守仁调护,质虽衔之,终不深怨,然质

亦旋以裁缺去职矣。及科致仕归,守仁为文以送之,又尝为之撰《远俗亭记》。

校勘 注释

[1]社学,元、明、清三代的地方学校。元制五十家为一社,每社设学校一所,是为“社学”之始。明、清令各府、州、县、卫、所皆置社学,教育十五岁以下幼童。

[2]惫,guì,极度疲乏。

[3]僭,jiàn,超越本分;僭号,僭用帝王的尊号。

[4]翮,chōng,向上直飞。

[5]乜,miē,姓。

[6]閤,通“恺”;弟,通“悌”。閤弟,即“恺悌”,和乐平易。

[7]原文“南和”,查无此县名,疑为“南和”。南和县,在河北省南部。

[8]舄,xì,鞋。

[9]裒,póu,收集编辑。

[10]原文“丧”,误,依文义改为“养”。

[11]緌,shǎi,緌緌,有编次,古时以文章、议论连续不穷为“洋洋緌緌”。

[12]柏台,御史台的别称。汉御史府中植有成列柏树,后世因称御史台为“柏台”。

[13]矩,古代画方圆的用具,即今曲尺;蔑,huò,尺度。矩蔑,规矩,法度。

[14]原文“抔”,误,改为“搏”。

[15]谢枋得(1226~1289),字君直,号叠山,宋信州弋阳人。理宗宝祐四年(1256)进士。任建康考官时,以出题暗讥时事,忤贾似道,谪居兴国军。恭帝德祐初年,以江东提刑知信州。元兵陷信州,乃改姓名入建宁唐石山。宋亡,居闽中,后卒。著有《文章轨范》、《叠山集》。

[16]倜傥,tì tǎng,卓异,豪爽,洒脱不拘。

[17]覡,xí,男巫。《国语·楚语下》:“在男曰覡,在女曰巫。”

[18]周指周敦颐(1017~1073),字茂叔,号濂溪,宋道州营道人。历官主簿、参军、通判等。神宗熙宁初知郴州,擢广南东路转运判官。后以疾求知南康军,因家庐山莲花峰下。精于《易》学,喜谈名理,为道学创始人。卒谥元。著有《太极图说》、《通书》等,后人合编为《周子全书》。程指程颢(1032~1085),字伯淳,宋洛阳人,世称明道先生。仁宗嘉祐进士,初官主簿。神宗熙宁初为太子中允、监察御史里行。后与王安石新法不合,出签书镇宁军判官,知扶沟县。卒谥纯。早年与弟程颐同受业于周敦颐,也称二程,同为理学奠基人。其学说以“天理”为自然界与社会之最高原则,“天”即“理”即“心”,“天人本无二”,于伦理则为“三纲五常”。有《二程全书》行世。

[19]原文“陵”,误,改为“凌”。

[20]瘴疔,南方暑湿地的病,内病为瘴,外病为疔。疔,癰病。

[21]魍魉,chī mèi,古代传说中山泽的鬼怪;魍魉,wǎng liǎng,古代传说中的精怪名。

[22]隳,huī,毁坏。隳堕,堕落。

贵阳府志卷五十七

录 四

明总部政绩录第二之三

汤 沐	熊一洪	刘士元	徐 问	陈克宅	王学益
任 轍	刘大直	梁 材	傅 习	杨 最	胡 松
卢 绅	胡尧时	陈 尧	刘廷簠 ^[1]	郭宏化	王 杏
赵大祐	王 积	蒋 信	徐 樾	谢东山	万士和
杜 拯	赵 锦	阮文中	冯成能	王时举	程嗣功
吴国伦					

汤沐,字新之,江阴人。弘治^[2]九年进士,除崇德知县,征授御史。正德初出为湖广佥事,谪武义知县,复为广东佥事。十五年累迁右副都御史,巡抚贵州。请立土官世系籍,绝其争袭之弊,令其子弟入学,报可。嘉靖二年改抚四川,入为大理卿。罢归家居,卒。沐居官三十载,屏绝馈遗,以廉洁称。

沐去,熊一洪代。

熊一洪,字子山,南海人。嘉靖二年以右副都御史巡抚贵州。贵州宣慰司学旧有尊经阁、育英堂,尊经阁仅二楹,日就倾圯^[3];育英堂自景泰初建以来,未经修葺,已毁圯,仅存遗址。清军御史江良才谋于一洪及巡按刘廷簠,复构育英堂,而增尊经阁为六楹。已而,提学佥事赵渊建议,谓学中应设神厨祭器、乐器二库,泮池宜徙,乡贤宜有祠,一洪、廷簠悉从之。于是,大新宣慰司学,自嘉靖三年七月经始,十月告成,财皆取于罚醵^[4],而不及民,士民欣悦,费宏为之记。

一洪去,袁宗儒代。宗儒去,彭县刘士元代。

刘士元,字伯儒,彭县人。正德六年进士,官御史,巡按畿辅。十三年杖系诏狱。世宗立,复官,出为湖广副使。嘉靖九年以右副都御史巡抚贵州。贵州诸宣

慰安抚司岁时朝觐进马,所过扰害,士元奏免,民甚便之。居三年罢去。

士元去,江都叶相代。相去,徐问代。

徐问,字用中,武进人。弘治十五年进士,授广平推官,迁刑部主事,历兵部,出为登州知府,累迁广东左布政使。嘉靖十一年以治行卓异,拜右副都御史,巡抚贵州。问为政以善俗息民为务。先是,贵州有军兴,民皆疲于转输,蒙钺之乱,问调度有法,役不逾时,慙^[5]除而民不困。尝著《读书劄记》刊布黔南,黔南人士甚重其书,鲜有不诵习者。顷之,召为兵部右侍郎,疏陈武备八事,又言“两广云贵半土司,深山密箐,徭僮罗剌所窟穴,边将喜功召衅,好为扫穴之举,王师每入,巨慙潜踪,所诛戮率无辜赤子;兴大兵,费厚饷,以易无辜命,非陛下好生意,宜敕边臣布威信,严厄塞,谨哨探,使各安边境,以绝祸萌”。帝深纳其言。寻引疾归。二十一年起南京礼部侍郎,就迁户部尚书。复引疾去,卒于家。问清节自励,居官十年,敝庐萧然,田不满百亩,好学不倦,粹然深造,为士类所宗。隆庆初谥庄裕,《明史》有传。

问去,崇阳戴书代。书去,陈克宅代。

陈克宅,字即卿,正德九年进士。嘉靖中官御史,哭争大礼系狱廷杖,获释,按贵州,多所弹劾,出为松潘副使,累迁右副都御史,巡抚贵州。

克宅去,贵池汪珊代。珊去,安仁张钺代。钺去,巴县刘彭年代。彭年去,安陆刘渠代。渠去,王学益代。

王学益,字虞卿,安福人。嘉靖八年进士,二十四年,以右佥都御史巡抚贵州。贵州多盗,学益谓弭^[6]盗之法莫切于保甲,作《保甲谕》,其词曰:“谕父老子弟,本院祇奉上命巡抚是方,恒以弭盗安民为念。闻会城之下,往年多盗,公私相视,无肯救援,或反作奸藏逆,潜通密引。此岂独顽悖者之罪?官司政教之不行,盖有责焉。今为保甲法,与尔等相联属,因导之善。大约以十家为一甲,每家各置一小牌,十家共置一总牌;小牌各揭门首,总牌轮次收掌。令以吾告谕之意日相传宣,使各欣欣劝于善,父劝其慈,子劝其孝,兄劝其友,弟劝其恭,夫劝其和,妇劝其柔,邻里劝其修睦,朋友劝其敦信,差役劝其勉供,赋税劝其早办,生业劝其勤治,无益劝其节省,酒劝其勿酗,鬼劝其勿惑,处事劝其谨慎含忍。凡同甲之人,相亲相爱,若有空乏疾病,相与恤之扶之;若有争而至于诉讼,相与和而解之;若有不道不法不可谏者,相与告于官而正之,告之而力有不行者,相与合正而共正之;若有水火、盗贼之灾,十家共出力而救之,救之而力有不及者,则以甲传甲,合百家千家而共救之。仍每家各以其力,置为御盗之器,使无至于临事束手。则虽以十家为保,实以百家千家为保矣。礼义兴行,风俗淳美,室家常安,弗虞有

备,此即尧舜之民所谓时雍也。父老子弟听勿忽。”二十五年,请增贵州解额五人,帝从之。二十六年为言官所劾,大学士夏言拟旨逮讯,事白旋释之,官至南京工部尚书。学益在贵州,以行保甲、增解额二事甚为人士所称。

学益去,南海李义壮代。义壮去,任辙代。

任辙,字子明,安陆人。嘉靖五年进士,授官后,累迁至大理寺卿,以右副都御史巡抚贵州。辙莅贵州,值用兵之时,征调转输无虚日,而心存抚字,民劳而不怨。其官大理寺卿时,亦多所平反,士民无不怀之。

辙去,刘大直代。

刘大直,华阳人。嘉靖十四年进士,三十年以右副都御史巡抚贵州。申保甲,清屯田,军政肃然。贵州民拙于织,大直自他省延织工以教,民始知机杼^[7]之利。先是,乘驿之人冗滥难稽,大直严为裁省,民甚德之。莅事甫六月而卒,百姓为之罢市巷哭。

大直卒,上海张鸛翼代。鸛翼去,新涂高种代。种去,歙县鲍道明代。道明去,桐城赵钱^[8]代。钱去,孝丰吴维岳代。维岳去,杜拯代。

梁材,字大用,南京金吾卫人。弘治十二年进士,授德清知县,勤敏有异政,正德初迁刑部主事,改御史,出为嘉兴知府,调杭州,迁浙江右参政,进按察使,以忧去。嘉靖初起补云南,历广东右布政使,进贵州左布政使,改广东。材再为左布政使,凡百姓输课,皆令自操权衡,吏不得预。时天下布政使廉名最著者二人,材与姚镛也。六年拜右副都御史,巡抚江西,甫二月,召为刑部左侍郎,寻改户部,遂代邹文盛为尚书。母丧去,服除,起故官。六年满,致仕,以事降右侍郎闲住。召复故官,加太子少保,兼掌刑部,旋落职闲住,归卒,年七十一。隆庆初赠太子太保,谥端肃,《明史》有传。

材后,历南郑张羽,三十三政乃至应存卓。

傅习,字传之,进贤人。以进士起家授官,正德中累迁贵州左参政,就进按察使。能操风宪,为群僚表率。

习去,历永康徐赞、滁州于鏊、桐城钱如京、建德王浚、崇阳戴书、宣城王遵六政,至南充韩士英。士英去,杨最代之。

杨最,字殿之,射洪人。正德十二年进士,授工部主事,历郎中。世宗即位,出为宁波知府,累迁贵州按察使。刚果廉明,遇事敢为执法,人莫敢干以私,为贵州宪臣之最。入为太仆卿。世宗信神仙,欲太子监国,最疏谏下诏狱,杖未毕而

死。隆庆元年赠右副都御史,谥忠节,荫一子。《明史》有传。

最去,历慈溪沈教、安义黄祺、江都张臬^[9]、余姚顾遂四政,至胡松。

胡松,字茂卿,绩溪人。正德九年进士,嘉靖时御史,论桂萼^[10]忤旨,谪廉州推官,累迁贵州按察使,有廉直声。官至工部尚书,引疾归,卒,年八十三。居家以孝友称。

松去,历山阴何鳌、吉水曾存仁、新田郭日休,至卢绅。绅字崇绩,咸宁人。以进士起家授官,累迁湖广副使,擢贵州按察使。彭华《按察司题名记》称“绅划^[11]奸除弊,扶弱植良,甫及期,吏畏民怀,亦良宪使也。”绅后,历泽州郃相、迁安李涵,至胡尧时。

胡尧时,字子中,泰和人。以进士起家,嘉靖中累官贵州按察使。尝师事王守仁,学以躬行为本。其官按察使也,谓职虽专任刑名,然必有教化在先,而后刑名可用,遂与提学副使奖励士流,身示表则;又新阳明书院,刊守仁所著书于贵州,令学徒知所景仰,士风为之大变。

尧时去,历莆田郑炯、章邱李冕、慈溪张尧年,至陈尧。

陈尧,字敬甫,江南通州人。嘉靖十四年进士,三十五年官贵州按察使。为治崇大体,好恤民隐。会朝廷有采木之命,尧谓不宜罢边荒服以生边衅,持之不下。有旨征丹砂^[12]于贵州,都御史檄甚严,尧亦持之。有先输者,都御史诮尧曰:“夜郎丹砂赤如血,佳哉!”尧曰:“此百姓血也,安得不赤?”一座^[13]愕然。都御史覆奏,竟寝其事。尧官终兵部侍郎。

尧去,历江山徐需、长沙董策、奉新宋国华、泰和罗时霖、新昌乌连、进贤熊汝达、长泰卢岐嶷、海盐刘炘、昆明郭斗,至冯成能。

刘廷簠,字器重,安福人。嘉靖三年巡抚贵州,以清苦自励。其按部时,屏除驺从^[14],惟匹马双旌而已,荒郊蛮窟,罔不周历,发摘奸伏若神明,世以此称之。

郭宏化,字子弼,安福人。嘉靖二年进士,除江陵知县,征授御史。十年出按贵州,有善绩,按毕还京师。十一年冬,彗星见于井^[15],宏化言:“井居东方,其宿为木,彗见于井,则土木繁兴所致也。臣闻四川、湖广、贵州、江西、浙江、山西及真定诸府采木,劳苦万状;应天、苏、松、常、镇五府有造砖之役,民间耗费不貲,窑户逃亡过半;而广东以采珠之故,激民为盗,攻劫会城,皆足戾天和而干星变,请悉停罢。”世宗怒,黜宏化为民,卒于家。穆宗立,赠光禄少卿。

王杏,字少坛,奉化人。嘉靖十三年巡按贵州。先是贵州虽设布、按二司,而乡试仍就云南,应试诸生艰于跋涉,恒以为苦。世宗初,给事中田秋^[16]疏请于朝,请设贡院于贵州,别聘试官如他省,章下贵州抚按,逾五年未有定议。杏至贵州,议云:“贵州自建省设学校养士以来,历百五十余年,文教茂往昔十倍,诸生就试云南,苦于道路。今于贵州城内西南隅,择地可以营建贡院,计所需白金二千四百余两,检藩库羡缗可办。夫士盛既足为科,而费复易措,别开科可免诸士跋涉,益感恩励学。愿睹宾兴^[17]盛事,以仰赞圣化,从秋议便。”议上礼部,尚书夏言以闻,得俞旨。十六年,贵州遂专试诸生,是时解额凡二十五人。杏性严峻有风裁,按事摘伏如神,大奸巨猾无不斂手。

赵大祐,字子佐,浙江太平人。以进士起家授御史,嘉靖二十年出按贵州。果敢峭直,执法不回,临大事、遇大狱,片言而决。土官某阴怀不轨,誓^[18]大祐威名不敢发。官终南京兵部尚书。

王积,字子崇,太仓人。正德十六年进士,嘉靖十九年官贵州副使。秉性刚果,执法在必行,廷无逋事,部无漏奸;植弱抑强,豪民猾吏屏息;按盗最急,群盗不敢与猾吏豪民交通以虐无告,以故良善获安,境内称治。官终南京兵部右侍郎。

蒋信,字卿实,常德人。年十四,居丧毁瘠,与同郡冀元亨^[19]善。王守仁谪龙场,过常德,信偕元亨事焉。嘉靖初贡入京师,复师湛若水^[20]。十一年举进士,累官四川水利佥事,却播州土官贿,置妖道士于法,迁贵州提学副使。尝以默坐澄心、体认天理训士,一时士习丕变。信施教不形喜怒,惟规规焉以礼法自求,而士皆潜移默化,有甚于劝督者。奖拔尽名士,贵阳马廷锡从之游,粹然有儒者气象。贵州山多虎,常出道旁伺人,信为文驱之,患稍息,人比之韩愈驱鳄鱼^[21]云。信在贵州建书院二廩,髦士其中。龙场故有守仁祠,为置祠田。以擅离职守,为御史所劾除名归。信践履笃实,不事虚谈,湖南学者宗之,称曰“正学先生”,又号“道林先生”云。卒年七十九,《明史》附《儒林·湛若水传》。

徐樾,字子直,贵溪人。以进士起家授官,嘉靖二十三年累迁贵州提学副使。讲明心学,陶熔士类,不屑于课程。尝取苗民子弟衣冠之,假以色笑,而加训诲,苗民卒化。盖信此理,无古今,无中外,苟有以兴起之,无不可化而入也。樾少师王守仁,谓圣可必为,故信道最笃。后三迁至云南左布政使,为元江叛夷那鉴所害,以失事追夺官,事平后,赠光禄少卿。